

## **Bugis - Napajjappa Kitta'è - Healing Scriptures**

**Matius 4:23,24 Ri Galilèa, mattulilini Yèsus ri sininna wanuwaèro.**

**Mappagguruni risining bola assompangngèro, sibawa nappallebbangengngi Karèba Madècèngngè makkedaè mapparèntai matu Jehova sibawa napajjappai sinning tau sala-salangngè sibawa malasaè. 24 Iyaro karèbaè passalenna Yèsus mallebbanni risininna wanuwa Siria, angkanna maèga tau lao ri Alèna. Natiwii mennang sinning tau iya nakennaè maddupa-rupang lasa, sibawa maddupa-rupangngè asussang: sinning tau atama-tamangngè roh maja, malasa matè manu'-manu'è, sibawa iya pèso'è napajjappa manengngi Yèsus.**

**Matius 8:16,17 Mammulanana mapettang, natiwini tauwè lao ri Yèsus maèga tau iya nauttamakiyè sètang. Na silappa adami bawang napaddèsu'i Yèsus sinning sètangngèro sibawa napajjappa towi sininna tau malasaè. 17 Napogau'i Yèsus iya manennaro, nanallalengi iyaro kajajiyangngi aga napowada Nabi Yèsaya, iyanaritu, "Natanggungngi anrasa-rasatta sibawa napajjappai lasata."**

**Matius 9:35 Makkuwaniro Yèsus lao mattulili polè risèddiè kota lao ri kota laingngè sibawa polè risèddiè kampong lao ri kampong laingngè.**

**Mappagguruni risining bola assompangngè, sibawa mappallebbangengngi Karèba Madècèngngè, pèkkugi Jehova mapparènta selaku Arung. Napajjappai sinning tau nakennaè maddupa-rupang lasa sibawa sala-salangngè watakkalèna.**

**Matius 10:1 Engka sèuwa esso naobbii Yèsus iya seppulo duwa ana' gurun-Na maddeppungeng. Nanawèrèngngi mennang kuwasa untu' paddèsu'i roh-roh majaè sibawa pajjappai sininna rupa-rupanna lasaè enrengngè sininna rupanna tau sala-salangngè watakkalèna. (Markus 3:14,15)**

**Matius 10:8 Pajjappai sinning tau malasaè; patuwoi sinning tau iya mate'; pajjappai sinning tau iya malasa oli mappakatautauè, sibawa paddèsu'i sètangngè. Purani mutarima manenro sibawa cuma-cuma. Jaji abbèrèyang towi sibawa cuma-cuma.**

**Matius 11:5 Makkita tau butaè, joppa tau pèso'è, majjappa tau malasa oli iya mappakatau-tauè; marèngkalinga tau mataru-taruè, tuwo tau matè, sibawa Karèba Madècèng polè ri Jehova riyabbirittang lao ri tau kasiyasiè. (Yèsaya 35:5)**

**Matius 12:15 Naisseng Yèsus makkedaè iyaro sinning tau Farisiè majai akkattana lao ri Alèna. Jaji Nasalaini onrongngèro namaèga tau maccowèriwi. Nanapajjappai sininna tau malasaè.**

**Matius 15:30 Maègani tau lao ri Yèsus tiwii sinning tau iya kèppangngè, butaè, pèso'è, pèpè, sibawa maèga mupa malasa laingngè. Iyaro sinning tauwè nataroi mennang ri yolona Yèsus, nanapajjappai Yèsus iyaro sinning tauwè.**

**Matius 17:20 Nappèbali Yèsus, "Saba' makurang teppe'ko. Engngerangngi!**

Rèkko mappunnaiko teppe' silloppo batu sawi-sawiè, weddikko makkeda lao ri buluèwè, 'Lèttè'ko kuwaro!' Pasti lèttè matu buluèwè. Dè'na gaga muwi sèddi iya dè'è mullèi pogau'i!

**Markus 1:34 Nanapajjappani Yèsus maèga tau iya nakennaè maddupa-rupang**  
**Iasa, sibawa napaddèsu' towi maèga sètang. Dè' napalaloi iyaro sining**  
**sètangngè mabbicara, saba' naissengngi mennang niga Yèsus.**

**Markus 3:10 Maèga senna' tau napajjappa, angkanna sininna tau malasaè**  
**siredde-redde makkuraga maddeppèriwi kuwammengngi weddingngi**  
**nakarawai.**

**Markus 6:5,6 Ri onrongngèro dè' naullèi Yèsus pogau' anu makalallaing.**

Sangadinna pajjappai siyagangngarè tau malasa sibawa napalènne bawang liman-Na ri yasè'na mennang. 6 Hèranni dè' namateppe' mennang. Nainappa Yèsus lao ri kampong-kampong ri seddènaro, sibawa mappagguru.

**Markus 6:13 Iyaro ana'-ana' gurunna Yèsus napaddèsu'ni maèga sètang,**  
**nasapuiwi minnya' zaitun tau malasaè sibawa pajjappai mennang.**

**Markus 6:55,56 Napada larina mennang lao tulili ri sininna daèraèro,**  
**nammulana tiwii tau malasaè ri yasè'na tappèrè lao ri Yèsus. Rèkko**  
**naèngkalingai mennang makkedaè engkai Yèsus risèddiè onrong, natiwini**  
**mennang tau malasaè kuwaro. 56 Kègi-kègi Yèsus lao -- muwi ri**  
**kampongngè iyarè'ga ri kotaè iyarè'ga ri dèsaè -- kuwatoro tuli lao tauwè**  
**sibawa taroi sining tau malasana mennang ri tana lapangngè. Nainappa**  
**naèllau sibawa masero kuwammengngi iyaro sining tau malasaè ripalaloi**  
**gèssai jumbana Yèsus, muwi cappa'na muwa bawang. Sininna**  
**gèssaèngngi majjappani.**

**Markus 8:23-25 Nanakkatenninni Yèsus limanna iyaro tau butaè nainappa**  
**narènrèng massu ri saliweng kota. Nainappa nammèccui Yèsus matanna**  
**iyaro tauwè. Napalènne'i liman-Na ri matanna tauwèro, nainappa**  
**makkutana ri tau butaèro, "Engka mullè mita makkekkuwangngè?" 24**  
**Makkitani iyaro tauwè liyolo, nainappa makkeda, "Iyyè, engka uwita joppa-**  
**joppa iyakiya pada-padai pong aju-kajungngè." 25 Napalènne'si paimeng**  
**limanna Yèsus ri tauwèro. Iyaè sisengngè makkuragani iyaro tauwè**  
**makkita gangka ullèna. Majjappani matanna, naita manenni sibawa**  
**manessa.**

**Markus 9:29 Nappèbali Yèsus, "Iyaro roh maja bangsana dè' nawedding**  
**ripaddèsu' sibawa muwi cara aga, sangadinna sempajang."**

**Markus 16:17,18 Selaku buttinna makkedaè mateppe'i mennang, sining**  
**tauwè napaddèsu'i sètangngè ri laleng asek-Ku; mabbicarai matu**  
**mennang ri laleng sining basa iya dè'è naissengngi mennang. 18 Rèkko**  
**makkatennningngi mennang ula iyarè'ga minung racung, dè' nalolongeng**  
**mennang abala. Rèkko napalènne'i limanna ri yasè'na sining tau iya**

**malasaè, majjappai matu iyaro sining tauwè."**

**Lukas 4:18 "Engkai Rohna Puwangngè ri Iyya, saba' pura-Ka nalanti' untu' mabbirittangngi Karèba Madècèngngè lao ri tau kasiyasiè. Nasuro-Ka untu' mappallebbangengngi aleppekengngè lao ri tau ritawangngè sibawa ajjappang lao ri tau butaè; untu' paleppe'i tau iya ripanrasa-rasaè**

**Lukas 4:40 Wettunna labu essoè, natiwini sininna tauwè lao ri Yèsus silessu-silessurennna iya nakennaè maddupa-rupang lasa. Napalènne'ni limanna Yèsus ri yasè'na mennang tungke'-tungke' nanapajjappai.**

**Lukas 5:15 Iyakiya karèba passalenna Yèsus pèdè' tassiyai lao tulili, namaègana tau polè untu' mèngkalingai Alèna sibawa untu' ripajjappa polè ri lasana mennang.**

**Lukas 5:17-25 Risèuwaè esso wettunna Yèsus mattengngang mappagguru, engka siyangangngarè tau Farisi sibawa guru-guru agama tudang kuwaro. Polèi mennang ri Yèrusalèm, sibawa ri kota-kotaè ri Galilèa enrengngè Yudèa. Akuwasanna Puwangngè engkai ri Yèsus untu' pajjappai sining tau malasaè. 18 Iyaro wettuè engka siyangangngarè tau polè tiwi sèddi tau pèso' iya lèwuè ri yasè'na onrong atinrongngè. Makkuragai mennang tiwii iyaro tauwè ri lalempola kuwammengngi naullèi palènne'i ri yolona Yèsus. 19 Iyakiya nasaba maèga senna' tau kuwaro, dè' naullèi mennang tiwii muttama'. Rimakkuwannanaro napaènrè'i mennang ri yasè'na pabbingenna bolaè. Nainappa nabongkara' gentènna, nanapanonnoi silaong onrong atinronna ri yolona Yèsus ri tengnga-tengngana tau maègaèro. 20 Wettunna naita Yèsus pèkkugi rajanna teppe'na mennang, makkedani Alèna lao ri tauwèro, "Eh silessureng, riyaddampengenni dosamu. " 21 Sining guru agamaè sibawa sining tau Farisiè mammulani makkeda sèddiè lao ri laingngè, "Niga iyaè tauwè nabarani cellai Jehova? Niga wedding maddampengengngi dosaè, rilainnaè Jehova?" 22 Naissengngi Yèsus pakkutanana mennang. Jaji makkedani, "Magi muwakkutana makkuwaro ri laleng atimmu? 23 Kèga lebbi gampang makkeda, 'Riyaddampengenni dosamu', iyare'ga makkeda, 'Oto'no namujoppa!' 24 Iyakiya maèlo-Ka buttikangngi makkekkuwangngè lao ri iko makkedaè Ana'na Tolinoè makuwasai ri yasè'na linoèwè untu' maddampengengngi dosaè. " Nainappa makkeda Yèsus lao ri tau pèso'èro, "Oto'no, akkai onrong atinrommu, namulisu!" 25 Masitta'ni iyaro tauwè moto' ri yolona maneng mennang, nainappa nakka onrong atinronna, nanalisu sibawa pojivi Jehova.**

**Lukas 6:17-19 Nonnoni Yèsus polè ri bulu-buluèro silaong rasul-rasul-èro, nainappa tettong mappèsau risèuwaè onrong iya malappaè. Naengkato kuwaro maèga ana'-ana' gurun-Na laingngè sibawa maèga tau iya polè tuliliè ri sininna Yudèa, Yèrusalèm enrengngè kota-kota Tirus sibawa Sidon ri wiring tasi'è. 18 Polèi mennang untu' mèngkalingai Yèsus sibawa ripajjappa polè risining lasana. Mennang iya nauttamakiyè roh maja polè**

**towi sibawa ripajjappa. 19 Sininna tauwè makkuragani untu' karawai Yèsus, nasaba engka akuwasang massu polè ri Alèna iya pajjappa manengngèngngi mennang.**

**Lukas 7:21,22 Iyaro wettuè Yèsus pajjappai maèga tau, sibawa paddèsu' maèga roh majà enrengngè mèbbui maèga tau buta makkita. 22 Jaji mappèbalini Yèsus, "Lisuno lao ri Yohanès namupowadangngi aga muwèngkalinga sibawa muwita: makkita tau butaè, joppa tau pèso'è, majjappa tau malasa oli mabbahayaè, marèngkalinga tau mataru-taruè, tuwo paimeng tau matè, sibawa Karèba Madècèng polè ri Jehova riyabbirittangngi lao risining tau kasiyasiè.**

**Lukas 8:2 Makkuwatoro siyagangngarè makkunrai iya puraè ripajjappa polè ri roh majae sibawa lasaè. Iyanaritu Maria iya riyasengngè Magdalèna (pitu sètang pura ripassu polè ri alèna);**

**Lukas 9:2 Nainappa nasuro mennang lao pajjappai tau malasaè sibawa mappallebbangengngi pèkkugi Jehova mapparènta selaku Arung.**

**Lukas 9:11 Iyakiya wettunna sinning tauwè naisseng passalenna gau'èro, naccowèrini mennang Yèsus. Natarimani mennang, nainappa mabbicara lao ri mennang passalenna pèkkugi Jehova mapparènta selaku Arung. Enrengngè Napajjappa towi tau malasaè ri yelle'na mennang.**

**Lukas 13:12 Saba' aga iya harusu'è mupowadaro nappagguruwangngi matu Rohna Jehova ri iko ri wettunna."**

**Lukas 13:32 "Iko iya cèddè'mi jumellamu, aja' mumètau! Saba' masennang Ambo'mu mpèrèkko barakka polè ri Apparèntan-Na.**

**Yohanes 5:8,14 Nakkedo Yèsus lao ri tauwèro, "Oto'no, akkai tappèrèmu namujoppa." 14 Nainappa Yèsus siruntu iyaro tauwè ri laleng Bolana Puwangngè, nakkedo lao ri tauwèro, "Makkekkuwangngè majjappano. Aja'na mumadosasi, kuwammengngi aja' mupèneddingiwi iya lebbi majae."**

**Yohanes 14:12 Tongeng senna' adak-Kuè: Tau iya mateppe'è ri Iyya, napogau'i matu aga iya puraè Upogau' -- mala napogau'i matu iya lebbi battowaèppasi -- saba' lao-Ka ri Ambo'è.**

**Riwaya'na Rasul-Rasul-E 3:6 Iyakiya makkedai Pètrus lao ri tauwèro, "Dè' sis-siseng uwappunnai dowi. Iyakiya aga engka ri alèku, iyaro matu uwèrèkko: Nasibawang akuwasanna Yèsus Kristus tau Nazarèt-èro, joppano!"**

**Riwaya'na Rasul-Rasul-E 5:15,16 Mala iyaro wettuè, sinning tau iya malasaè ritaroi ri yasè'na onrong atinrongngè iyare'ga tappèrè, naritiwi ri lalengngè, kuwammengngi nakaminang cèddè'na weddingngi rikenna ri wajo-wajona Pètrus, rèkko laloi Pètrus kuwaro. 16 Mallompèngeng sinning tauwè polè ri kota-kotaè seddèna Yèrusalèm. Natiwii mennang sinning taunna malasaè sibawa iya nauttamakiyè roh-roh majae. Naripajjappa maneng iyaro tauwè.**

**Riwaya'na Rasul-Rasul-E 10:38 Muwissenni makkedaè Jehova pura pilèi**

**Yèsus tau Nazarèt-èro sibawa mpèrèngngi Rohna Jehova nasibawang  
akuwasang. Muwisseng toni makkedaè iyaro Yèsus laowi kègi-kègi untu'  
pogau' dècèng; napajjappa manengngi tau nakuwasaiyè Ibiliisi', saba'  
Jehova sibawangngi.**

**Riwaya'na Rasul-Rasul-E 19:11,12 Napogau'i Jehova gau'-gau' iya dè'è gaga  
padanna naolai Paulus. 12 Rèkko lènso-lènso iyarè'ga kaing pabbekkeng  
iya puraè napakè Paulus ritiwi lao risining tau malasaè, majappai lasana  
sibawa massu towi roh sètangngè polè ri mennang.**

**Roma 8:26 Makkuwatoro Rohna Jehova polè tulukki rèkko malemmaki. Saba'  
dè' taissengngi pèkkugi sitongennaki massempajang; alèna iyaro Roh-è  
mangolo ri Jehova untu' mèllaungekki sibawa uddaning iya marilaleng  
senna'è angkanna dè' nariyullè pau.**

**1 Korintus 12:9 Iyatoro Roh iya sèddiè mabbèrèi lao ri tau iya sèddiè,  
amampungeng untu' mateppe' lao ri Kristus, na lao ri laingngè, iyaro Roh-è  
mabbèrèi akuwasang untu' pajjappai tauwè.**

**1 Korintus 12:28 Makkuwatoro ri laleng jema'è, purani napattentu Jehova  
onrong untu' maddupa-rupang tau: Mula-mulanna rasul-rasul; maduwanna,  
nabi-nabi, matellunna guru-guru, nainappa mennang iya pakangkaè sinning  
anu makalallaingngè, nainappa mennang iya riwèrèngngè pangissengeng  
untu' pajjappai tauwè, iyarè'ga untu' tulungngi tau laingngè, iyarè'ga untu'  
mappimping, iyarè'ga mabbicara sibawa basa iya makalallaingngè.**

**Filipi 2:27 Mèmeng tongengngi malasai angkanna cèddè'pi namatè. Iyakiya  
kasiyangngi Jehova ri alèna; na tenniya ri alèna bawang, iyakiya laoto ri  
iyya, kuwammengngi aja' upèdè' messè.**

**Yakobus 5:14 Rèkko engka malasa, sitinajai naobbi sinning pamimpinna  
jema'è. Nasitinajai iyaro sinning pamimpingngè massempajangengngi iyaro  
tau malasaè enrengngè sapuiwi sibawa minnya ri laleng asenna  
Puwangngè.**

**1 Petrus 2:24 Kristus muto mèssangngi dosa-dosata ri Alèna ri yasè'na aju  
salliè, kuwammengngi bèbasa'i polè ri akuwasanna dosaè, sibawa tuwo  
manuru' èlona Jehova. Lolona Kristus pajjappako. (Yèsaya 53:5)**

**3 Yohanes 1:2 massempajang tennapodo madisid-disingngi Saudara sibawa  
makessing maneng muwi sibawakko, pada-pada nyawamu makessing  
muto.**

**Exodus 15:26; Deuteronomy 7:15 not get diseases of Egypt.**

**Yèsaya 58:8 Jehova heal speedy.**

**Yèrèmia 30:17; Yèrèmia 33:6 Jehova heals**